



UKA 2018/52 aamma 53,54,55

14. oktober 2018

Bentiaraq Ottosen

Uunga siunnersuut: Inuusuttut 18-it inorlugit ukiullit unnukkut nalunaaqutaq 20:00-p kingorna Cafèliarlutik kakaoitersinnaangornissaat, sodavanditorsinnaangornissaat assigisaannilluunniit najoqqaasinnaangornissaat pillugu Imigassaq pillugu Inatsisartut Inatsisaanni § 20 imm. 4 atorunnaarsinnissaanut siunnersuuteqaqqullugit Naalakkersuisut peqquneqarnissaanik Inatsisartut aalajangiiffigisassaattut siunnersuut.

(Inatsisartunut ilaasortaq Malene Vahl Rasmussen, Demokraatit)

Imigassaq pillugu inatsit allangortinniarlugu siunnersuummik saqqummiusseqqullugit Naalakkersuisut peqquneqarnissaanik Inatsisartut aalajangiiffigisassaattut siunnersuut, taamaasillutik niuertarfiit imigassanik aalakoornartortalinnik nioqquteqarsinnaalersillugit ataasinngornermiit arfininngornermut nalunaaqutaq ullaakkut quliniit unnukkut arfineqpingasup tungaanut.

(Inatsisartunu tilaasortat Justus Hansen aamma Randi Vestergaard Evaldsen, Demokraatit)

Imigassamut inatsimmi imigassat aalakoornartortallit pillugit pilerisaarutit suulluunniit inerteqqutaanerata atorunnaarsinnissaa imaluunniit allamik taama sakkortutigisumik taarserneqarnissaanut Imigassaq pillugu Inatsisartut inatsisaata allangortinnissaanut allannguutissamik saqqummiusseqqullugit Naalakkersuisut peqquneqarnissaanik Inatsisartut aalajangiiffigisassaattut siunnersuut.

(Inatsisartunut ilaasortaq Randi Vestergaard Evaldsen, Demokraatit)

Imigassaq pillugu Inatsisartut inatsisaani § 28-p atorunnaarsinnissaanut siunnersuuteqaqqullugit Naalakkersuisut peqquneqarnissaanik Inatsisartut aalajangiiffigisassaattut siunnersuut, taamaasilluni imigassaq nioqqutissanut allanut naleqqiullugu saagorsimajunnaartussanngorlugu.

(Inatsisartunut ilaasortaq Randi Vestergaard Evaldsen, Demokraatit)



Akisussaassuseqarneq kiffaangissuseqarfigaarput allanut naleqqussarneqarsinnaangitsoq.

Imigassap nunatsinni ajornartorsiutigineqarnera Atassummiit qimarratiginiangilarput, imaassanngilarli imigissap ajornartorsiutaanera neqitaliutiinnarlugu qanorluunniit toringitsigisumik inatsisilioqattaaginnalissasugut. Ajornartorsiut pisussaaffiliissanngilaq inuit allat kalluarlugit inatsisiliupallannermik.

Ajornartorsiutillit tamakkiisumik ikiussavagut, katsorsaanikkut, pinaveersaartitsinikkut, inuiaqatigiinni oqallinnikkut, paasititsiniaanikkut, sunngiffimmi susassaartitsinikkut, timersorneq eqqumiitsuliornerlu aallaavigalugit ataqqinninnerup aqqani.

Kinaluunniit imigassap ajornartorsiutaaneranik pitsanngorsaarusuttoq oqaloqatigerusupparput suleqatigissavarpullu. Tunngavigisigilli inuiaqatigiinni kivitsissutaasussat, tamatsinnullu naqisimannippalaarsinnaasut pinaveersaarlugit. Imaanngilaq tamanut ajorseriartitsineq ajornartorsiutilinnut ikiuinerusoq. Atassummit isumaqarpugut siunissaq isumannaatsoq anguniarutsigu aporfilersuutit inatsisit killilersuiffiusut ikilisaaffigisariaqarigut.

Inuk qitiutillugu kiffaangissuseq ataqqineqartussaavoq avaqqutaarneqarnani, inuiaqatigiinni toqqissisimaneq pilersinniarlugu.

Atassummiit isumaqarpugut sumiluuniit akisussaassuseqarneq atuuttoq, angajoqqaaniippat imaluuniit 18-it sinnerlugit ukiulimmiippat. Neriniartarfinni aamma Café-ini meeqqat inuusuttullu 18-it inorlugit ukiullit eqqissillutik ilagisinnaasariaqarpaat angajoqqaartik imaluuniit 18-it sinnerlugit ukiulik akisussaassuseqartoq 20.00 kingorna.

Imigassaq pillugu Inatsisartut Inatsisaanni kap. 4 § 20 imm. 4 naapertorlugu tulluanngilaq neriniartarfinni Café-inilu ilaqutariinni meeqqat inuusuttullu 18-it inorlugit ukiulinnut sassaalleqqusaajunnaarneq, tamanna killilersuineruvoq.

Atassummit naatsorsuutigilluinnarparput neriniartarfinni imaluuniit café-ini nerisassanik sassaallerneq taamatinneqarpat piaarnerpaamik meeqqat inuusuttullu 18-it inorlugit ukiullit aatsaat anisinneqassasut, tamanna kaammattuutigaarput.

Atassummit isumaqarpugut Imigassaq pillugu Inatsisartut Inatsisaanni kap. 4 § 25 naappertorlugu imigassamut nioqquteqartarneq piffissalersugaanera matumani tulluutinngitsoq, Atassummiit naatsorsuutigaarput imigassamut nioqquteqarfiusuni ammasarfiit sivitsorneqarpata piffissami aggersumi unioqqutitsillutik imigassamik tuniniaasut ikileriarnissaat. Taamaammat Atassummiit tamakku pinngitsoortinniarlugit piffissaq sivitsorneqarnissaa isumaqatigaarput.

Pisiniarfinni saajorsuit pisinianut ussataavissortut piiarneqarnissaanut Atassut isumaqataavoq, Imigassaq pillugu Inatsisartut Inatsisaanni kap. 4 § 28 Atassummiit kaammattuutigaarput peerneqarnissaa.



Aappaattut imigassamut akuersissutit Kommuni-ini tunniunneqartartut susassaqartunilu allani tunniunneqartartut pillugit Atassut kaamattuuteqarpoq ataqqineqassasut.

Taamaammat apeqquserparput Imigassaq pillugu Inatsisartut Inatsisaanni kap. 2 § 4 oqaasertaliunneqarsimasut tulluannigitsut, Atassummiit isumaqaratta tamanna inatsisitigut pisussaaffilerneqartareersimasoq Imigassaq pillugu Inatsisartut Inatsisaanni kap. 2 § 3 allaqqasoq malillugu.

Taamatut oqaaseqareerluta, Atassummiit partiinut tamanut suleqatiserinnilluta siunnersuutigineqartoq isumaqataaffigaarput aappassaaniillinnginneranilu Inuussutissarsiornermut Aatsitassanullu ataatsimiisitaliamut ingerlateqqinnissaa innersuussutigaarput.